

Lexicographic Works on Medieval Armenian Language

Mohammad Malek Mohammadi (Ph.D)

Department of Armenian Language and Literature,
University of Isfahan, IRI. E-mail: malekm_m@yahoo.com

The lexicography devoted to the vocabulary of Middle Armenian originates relatively in late period. Armenian famous linguist Norayr Byuzandaci was the first who in 1958 writes the dictionary of Medieval Armenian, which is published in 2000. Other dictionaries devoted to the vocabulary of Medieval Armenian are the unpublished vocabulary of Y. Karst titled «Wörterbuch des Mittelarmenischen» /1940-1942/ and «The dictionary of Middle Armenian» by the authors of R. Ghazaryan and H. Avetisyan, which at first in 1978, and then in 1992 has been published in two volumes, then in 2009 has been republished in one volume.

The above mentioned three dictionaries with their advantages and disadvantages and due to the hard works of the authors have their great investment in the sphere of Armenian linguistics and Medieval Armenian researches. The authors have made up the dictionary of Middle Armenian with special approach, method and purpose.

In the article we touch upon the advantages and structure of the three above mentioned dictionaries and discuss several reviews of dictionaries expressed by reviewers.

ՄԱՐԿԱՏ ՍՊԱՐԱՊԵՏԻ «ՏԱՐԵԳՐՔԻ» ՁԵՌԱԳՐԵՐԸ

Տարեիկ Աթայեան

Սմբատ Սպարապետի «Տարեգրքի» բնագիրը ներկայացուած է մեզ յայտնի մէկ տասնեակից աւելի ձեռագիր մատենաներում: Ս. Ազըլեանի¹, Ս. Տէր-Ներսէսեանի², Լ. Բաբայեանի³, Ժ. Դեղէյեանի⁴ եւ այլոց հետազոտութիւններում տրուել են այդ ձեռագրերի հակիրճ նկարագրութիւնները, վեր են հանուել դրանց տարբերութիւնները՝ տարընթերցումների, յաւելումների ու յապաւումների տեսքով, որոշակի աշխատանքներ են կատարուել ձեռագրերի լեզուաոճական առանձնատիպութիւնների քննութեան ուղղութեամբ: Հպանցիկ նշումով առանձնացուել են նաեւ «Տարեգրքի» խմբագրութիւնները: Սակայն պէտք է նաեւ նշել, որ հետազոտողների ուշադրութեան կենտրոնում գերազանցապէս գտնուել է ստեղծագործութեան հեղինակային պատկանելութեան խնդիրը, ուստի եւ թուարկուած ձեռքբերումները հիմնականում կատարուել են հէնց այս համատեքստում: Հետեւաբար՝ ձեռագրերի նկարագրութիւնը եւ համեմատական վերլուծութիւնը յատուկ ուսումնասիրման առարկայ չի դարձել: Մինչդեռ ձեռագրերի ծագումնաբանութեան ճշտման, ինչպէս նաեւ ճիւղագրութեան կազմման խնդիրները համակողմանի քննութեան կարիք ունեն: Յատուկ ուշադրութեան է արժանի

նաեւ երկի ձեռագրերի պատմութեան վերականգնումը, քանզի հէնց այդ նիւթի վրայ հիմնուելով է հնարաւոր պարզել տուեալ ստեղծագործութեան տարածուածութիւնն ու ազդեցութիւնը պատմական այս կամ այն ժամանակահատուածում:

«Տարեգրքի» ձեռագրերի ուսումնասիրութիւնը թոյլ է տալիս եզրակացնել, որ երկը նախապէս ունեցել է Ժ. դարի երկրորդ կէս – ԺԳ. դարի վերջ ընդգրկող ժամանակագրական սահմաններ, իսկ ԺԴ. դարում դէպքերի շարադրանքը հասցրել է մինչեւ 1331 թ. իրադարձութիւնները: «Տարեգրքի» ձեռագրերը, բացառութեամբ մէկի (Վենետիկ, թիւ 1308), մեզ են հասել հէնց այս շարունակութեամբ՝ կրելով «Պատմութիւն յունաց ի Կոստանդինուպոլիս եւ Հայոց Մեծաց. յայնմ ժամանակի ժամանակագրութիւն» եւ «Սմբատ Սպարապետ, Պատմագիրք: Սոյն այս Սմբատ էր Սպարապետ Լեւոնի Դ, արքայի տանն Կիլիկիոյ, գունդուստապլ անուանեալ: Սկիզբն առնէ սա ի չորս հարիւր թուականէն Հայոց ի Գագկայ թագաւորէն, որդւոյ Աշոտայ Բագրատունւոյ. շարակարգելով հասուցանէ մինչեւ ցթուականն ՉՀԸ ցօծումն նոյն Լեւոնի Դ, որոյ էր սպարապետ» խորագրերը:

Ելնելով «Տարեգրքի» ձեռագրերի, ինչպէս նաեւ ստեղծագործութեան տեքստաբանական առանձնատիպութիւններից, հարկ է առանձնացնել գրչագրերի երկու խումբ՝ Ա եւ Բ (Բ1, Բ2 ենթախմբերով), ինչը երկի ուսումնասիրման աւելի մեծ հնարաւորութիւն կ'ընձեռնի:

Սկսենք Ա խմբի միակ ձեռագրից, որը հնագոյնն է մեզ հասած գրչագրերի շարքում:

1 Սմբատայ Սպարապետի Տարեգրքը, Վենետիկ, 1956, էջ Ե-ԺԳ:
2 S. Der Nersessian, The Armenian Chronicle of the Constable Smbat or of the "Royal Historian", Dumbarton Oaks Papers, XII, 1959, pp. 141-168.
3 Լ. Հ. Բաբայեան, Սմբատ Սպարապետը եւ «Տարեգրքի» հեղինակի հարցը, ՊԲՀ, 1976, թիւ 1, էջ 243-254:
4 La chronique attribuée au Connétable Smbat, Introduction, traduction et notes par Gérard Dédéyan, Paris, 1980, p. 9-37.

Վեներտիկ, թիւ 1308

Գտնուում է Վենետիկի Մխիթարեան մատենադարանում: Նկարագրել են Ս. Ա. գրչեանը (1956 թ.)⁵, Ժ. Դեդէյեանը (1980 թ.)⁶ եւ Ս. Ճեմճեմեանը (1996 թ.)⁷: Թուղթ, թերթ՝ 179 (17 x 12, 8,5 x 12,5), գրութիւնը՝ միասին, գիրը՝ բոլորգիր, տողերը՝ 20: Գրիչ՝ Վասիլ, խորագրերը (1ա, 27ա, 110ա) եւ սկզբնատառերը՝ կարմիր: Յիշատակարաններ՝ 26բ, 38բ, 46բ, 56բ, 65բ, 155բ, 179բ: Ստացողներ՝ Գրիգորիս Բ Աղթամարեցի, Սիմէոն Ապարանեցի, Գրիգոր Հիզանեցի, Յովհաննէս Ներսիսեան: Ձեռագիրը մեզ է հասել էական կորուստներով. բացակայում են առաջին եւ միջանկեալ մի քանի էջեր, տեքստն ընդհատուած է «եւ հանեալ զգանակն եհար ի վերայ կրծից արքային, եւ թագաւորն ընդոստեալ եւ զձեռն աջոյ ընդդէմ սրոյն տարեալ, եւ նա կրկնեալ զսուրն եւ եհար...» (թղ. 179բ)⁸ անաւարտ նախագատութեամբ: Այս ձեռագրի հիման վրայ է կատարուել «Տարեգրքի» վերջին հրատարակութիւնը:

Ելնելով տեքստի լեզուի՝ պարզ եւ մաքուր գրաբարեան բնոյթից, ձեւաբանական ու քերականական առանձնայատկութիւններից⁹, ինչպէս նաեւ գրչագրի՝ կիրիկեան գրչութեան հետ ոճական նմանութիւններից¹⁰, ձեռագիրը թուագրուած է ԺԳ. դարի վերջ ԺԴ. դարի սկիզբ: Նշենք նաեւ, որ ձեռագրում գործածուած են Փրանսերէնից փոխառուած մի շարք բառեր, ինչը պայմանաւորուած է խաչակրաց իշխանութիւնների եւ Կիրիկիայի հայկա-

կան պետութեան փոխազդեցութիւններով, ու նոյնպէս բնութագրական է տուեալ ժամանակաշրջանի կիրիկիահայ իրականութեան համար:

Ընդհուպ մինչեւ ԺԹ. դարի վերջը Վենետիկի Մխիթարեան Միաբանութեան գրադարանում ձեռագրի յայտնուելը, նրա պատմութեան վերաբերեալ ոչինչ յայտնի չէ: Ուստի որոշակի կարեւորութիւն է ձեռք բերում ձեռագրի յիշատակարանները՝ ուսումնասիրութիւնը, որը հնարաւորութիւն է տալիս մասամբ վերականգնել գրչագիր մատենանի անցած ուղին:

Այսպէս, ձեռագրի ամենավաղ յիշատակարանը պատկանում է Վասիլ գրչին. «Ձախտապաշար գրաւղս Վասիլ յիշեսջիք ի Քրիստոս»¹¹: Այն գրուած է բնագրի գրչութեամբ, ինչը հաւաստի է դարձնում Վասիլի՝ ձեռագրի գրիչը լինելու նշումը: Անհրաժեշտ տեղեկութիւնները բացակայութեան պատճառով անհնար է վերականգնել գրչի կենսագրութիւնը, ուստի, յենուելով ձեռագրի վերոնշեալ լեզուատճական առանձնայատկութիւններով վրայ, մնում է ենթադրել, որ Վասիլ գրիչը ապրել եւ գործել է ԺԴ. դարում, Կիրիկիայի հայկական թագաւորութեան վանական կենտրոններից մէկում:

Ձեռագրի պատմութիւնը մնում է անյայտ. այն հնարաւոր է ուրուագծել միայն ԺԶ. դարի կէսերից սկսած: Համաձայն յիշատակարաններից մէկի՝ մօտաւորապէս այդ ժամանակ ձեռագիրը պատկանել է Աղթամարի Գրիգորիս Բ Փոքր կաթողիկոսին (1544-1586)¹², ով նորոգել եւ կազմել է արդէն մաշուած ձեռագիրը: Յիշատակարանում մասնաւորապէս նշուած է. «Ես նուաստ ծառայ սուրբ Խաչիս, Գրիգորի՞ս Կաթողիկոս, վերստին կապեցի զպատմայ»

գիրքս զհնացեալն ի բազում ժամանակեաց, ի թուականութեանս Հայոց Ռէ (1558), ի թագաւորութեան Հոտքարին, եւ ի ղանութեան Վանայ Ղուբաթ Փաշին, Պարսից թագաւորութեան շահ Դայմազին, ԻԸ տարի զհայոց աշխարհս ի տառայպանք պահեցին, յետոյ բարիշան, եւ կանք դեռ եւս ի կայ(ս)կածի. եւ տէրութիւն Ոստանայ Ձէլալ Հանի, որ է Շամոյ. որք հանդիպիք սմա լի բերանով ասացէք զաստուած ողորմին Գրիգորիս Կաթողիկոսին, կապողի սնորհ, եւ ծնողացն իմոց պարոն Ասքանդարին եւ Գուլանփաշին. ամէն»¹³:

Ձեռագիրը Գրիգորիս Բ կաթողիկոսին պատկանելու եւ 1558 թ. նրա կողմից նորոգուած լինելու այս յիշատակումը վկայում է այն, որ ԺԶ. դարի կէսերին ձեռագիրը գտնուել է Վասպուրականում, հաւանաբար՝ Աղթամարի վանական համալիրում, որտեղ եւ գրուել է յիշատակարանը: Այս փաստերը միաժամանակ խօսում են ձեռագրի նկատմամբ բարձրաստիճան հոգեւորականի եւ իմաստասէր կաթողիկոսի¹⁴ ունեցած յատուկ ուշադրութեան մասին:

Ձեռագրի՝ Վասպուրական տեղափոխուելու հանգամանքներն ու յստակ ժամանակը անյայտ են: Ելնելով Կիրիկիայի հայկական թագաւորութիւնում ստեղծուած պատմական իրավիճակից՝ հնարաւոր է հետեւեալ վարկածն առաջ քաշել. ձեռագրի տեղափոխութիւնը Աղթամարի կաթողիկոսութիւն տեղի է ունեցել Եգիպտոսի սուլթանութեան զօրքերի կողմից Սսի գրաւման կամ համաժամանակեայ այլ դէպքերի արդիւնքում, երբ աւերուել են երկրի բազմաթիւ բերդեր եւ գրչութեան կենտրոն վանքեր¹⁵:

Եթէ հետեւեալ ձեռագրի յիշատակարանների ժամանակագրական յաջորդականութեան թելադրած տրամաբանութեանը, ապա պէտք է ենթադրել, որ ձեռագիրը Գրիգորիս Բ Աղթամարեցուց յետոյ պատկանել է Սիմէոն Ապարանեցուն: Այս մասին է վկայում հետեւեալ յիշատակարանը. «Ես Սիմիոն վարդապետս Ապարանցի զայս գիրս գրեցի»¹⁶: Սիմէոն Ապարանեցին ծնուել է մօտ 1540-ական թթ. Մոկաց նահանգի Սպարկերտ գաւառի Ապարանք գիւղում, որտեղից յետագայում տեղափոխուել է Քաջբրունեաց գաւառ, Մեծոփի մենաստան¹⁷: Այստեղ նա աշակերտել է Ներսէս Ամկեցուն, իսկ ապա Ոստանի դպրոցում՝ Յովհաննէս Ոստանեցուն¹⁸, հեղինակել է բազմաթիւ չափածոյ ստեղծագործութիւններ, պատմական ողբեր¹⁹: Սիմէոն Ապարանեցին, ով ժամանակակիցների յիշատակարաններում յայտնի է որպէս «քաջ բարունապետ»²⁰, Մեծոփում, Կարինում եւ Վանում զբաղուել է մանկավարժական գործունէութեամբ: Նշենք նաեւ, որ Սիմէոն Ապարանեցուն են պատկանել մաթեմատիկական, տոմարական եւ իմաստասիրական բնոյթի մի շարք ձեռագրեր, որոնք նրա կողմից օգտագործուել են ու-

5 Մմբատայ Սպարապետի Տարեգրք, էջ Ժ-ԺԱ:
6 La chronique attribuée au Connétable Smbat, p. 13.
7 Մայր ցուցակ հայերէն ձեռագրաց մատենադարանի միջնադարեանց ի վեներտիկ, հտ. 2, յօրհանգ՝ 2. Սահակ վրդ. Ճեմճեմեան, Վեներտիկ, 1996, էջ 9-12:
8 Մմբատայ Սպարապետի Տարեգրք, էջ 254:
9 Նոյն տեղում, էջ ԺԲ:
10 La chronique attribuée au Connétable Smbat, p. 13.

11 Մայր ցուցակ հայերէն ձեռագրաց մատենադարանի միջնադարեանց ի վեներտիկ, հտ. 2, էջ 11:
12 Ն. Ակիմեան, Գաւազանագիրք կաթողիկոսացի Աղթամարայ, Վիեննա, 1920, էջ 125:

13 Մայր ցուցակ հայերէն ձեռագրաց մատենադարանի միջնադարեանց ի վեներտիկ, հտ. 2, էջ 12:
14 Լ. Աճառեան, Հայոց անձնանունների բառարան, հտ. Ա, Երեւան, 1942, էջ 622:
15 Ն. Ակիմեան, Մատենադարակա ձեռագրոտթիւններ, Վիեննա, 1953, հտ. Է, էջ 142. Լ. Ոսկեան, Կիրիկիայի վաճառքը, Վիեննա, 1957, էջ

52-53, 149-150. Մ. Յովհաննէսեան, Հայկական Կիրիկիոյ քերդերն ու քերդաքաղաքները, Վեներտիկ, 1989, էջ 79:
16 Մայր ցուցակ հայերէն ձեռագրաց մատենադարանի միջնադարեանց ի վեներտիկ, հտ. 2, էջ 12:
17 Սիմէոն Ապարանցի, Բանաստեղծութիւններ, աշխատասիրութեամբ Կ. Մուցիսեանի, Երեւան, 1976, էջ 10-11:
18 Ն. Ակիմեան, Սիմէոն Վ. Ապարանցի, «Համադէս Ամսօրեայ», Վիեննա, 1919, սճ. 79-96. Վ. Յակոբեան, Հայերէն ձեռագրերի ԺԷ դարի յիշատակարաններ, հտ. Բ (1621-1640 թթ.), Երեւան, 1978, էջ 152, 377:
19 Պ. Խաչատրեան, Հայ միջնադարեան պատմական ողբեր (ԺԴ-ԺԷ դդ.), Երեւան, 1969, էջ 137-144:
20 Վ. Յակոբեան, Հայերէն ձեռագրերի ԺԷ դարի յիշատակարաններ, հտ. Ա (1601-1620 թթ.), Երեւան, 1974, էջ 522, 625:

սուցման նպատակով²¹: Ուստի կարելի է ենթադրել, որ ժ.Չ. դարում «Տարեգրքի» յիշեալ օրինակը նոյնպէս ծառայել է որպէս դասագիրք:

Մատենագրի ուղագրութիւնը «Տարեգրքի» ձեռագրի նկատմամբ, անշուշտ, պատահական չէ, քանի որ նա յայտնի է նաեւ պատմական որոշ երկերի չափածոյ վերաշարադրմամբ²²: Համաձայն ժ.է. դարի մի յիշատակարանի՝ Սիմէոն Ապարանեցին մահացել է 1614 թ. Վան քաղաքում, ուր եւ հաւանաբար անց է կացրել իր կեանքի վերջին տարիները. «...եւ ուսուցանողի նորին քաջ եւ մաքուր Սիմէոն բաբունապետին, որ ՌԿԳ թուականին Հայոց փոխեցաւ առ Քրիստոս, ի Շամիրամակերտ մայրաքաղաքին, որ այժմ ասի Վան»²³: Դժուար է ասել՝ արդեօք ձեռագիրը այդ ժամանակ գտնուել է Վանում, թէ ոչ, սակայն որոշակի է այն, որ ժ.Չ. դարի կէսից մինչեւ ժ.է. դարի սկիզբը այն գտնուել է Աղթամարի կաթողիկոսութեանը պատկանող վանքերից մէկում:

Թիւ 1308 ձեռագրի՝ ուղագրութեան արժանի յաջորդ երկու յիշատակարանները յուշում են, որ ձեռագիրը պատկանել է նաեւ ոմն Գրիգոր Հիզանեցու: Այս մասին են վկայում հետեւեալ գրառումները. «Եւ Գրիգորս եմ Հիզանցի, զգրքիկս շատ վայելեցի, այլ յետոյ ում եւ հանդիպի, թող ինձ ասէ Տէր ողորմի» (թղ. 46բ)²⁴, «Եւ Գրիգորս եմ ի Հիզնայ, ձեզ կենդանեացդ հող ու ծառայ, թէպէտեւ ես մարմնով մեռայ, եւ ի ձեր տեսոյն անջատեցայ, դու ողորմի ինձ աղերսեայ, զի յառաջէս տիրի սրմա, մի կայ

21 Կ. Սուքիասեան, Սիմէոն Ապարանեցուն պատկանած ձեռագրերը,- «Բանբեր Մատենադարան», 10, 1971, էջ 373-378:
22 Կ. Սուքիասեան, Սիմէոն Ապարանեցուն վիպասանութեան աղբիւրները,- ՀՀ ԳԱ «Լրաբեր» (հաս. գիտ.), 1970, թիւ 8, էջ 30-38:
23 Վ. Յակոբեան, նշ. աշխ., հտ. Ա, էջ 625:
24 Մայր ցուցակ հայերէն ձեռագրաց մատենադարանին Միսիթարեանց ի վեներիկ, հտ. 2, էջ 12:

մնաց ով որ կարգայ» (թղ. 56բ)²⁵: Գրիգոր Հիզանեցու մասին կցկտուր տեղեկութիւններ են պարունակում ժ.է. դարում իր իսկ կողմից տարբեր ձեռագրերում թողած մի շարք յիշատակարաններ, որոնցից պարզ է դառնում, որ նա եղել է Վասպուրականի Մանուկ Սուրբ Նշան վանքի քահանայ²⁶: Գրիգոր Հիզանեցին եղել է Սիմէոն Ապարանեցու կրտսեր ժամանակակիցը եւ, հաւանաբար, ձեռագրի յաջորդ ստացողը: Նշենք, որ Գրիգոր Հիզանեցին իր ընդօրինակած ձեռագրերում գրչութեան վայրը յիշատակում է միայն Հիզան քաղաքը²⁷, հետեւաբար կարելի է ենթադրել, որ ժ.է. դարում թիւ 1308 ձեռագիրը, պատկանելով Գրիգոր Հիզանեցուն, գտնուել է հէնց Հիզանում:

Ժ.Պ. դարի վերջում թիւ 1308 ձեռագիրը յայտնուում է արդէն Կոստանդնուպոլսում: Ձեռագրի՝ Կոստանդնուպոլիս տեղափոխուելու հանգամանքներն անյայտ են: Կարելի է ենթադրել, որ դրանում որոշակի դեր են խաղացել ժ.Ը.-ժ.Պ. դդ. Հիզանի յետադիմելն ու աւերուելը²⁸: 1876 թ. Ս. Ալիշանը Յովհաննէս Ներսիսեանից գնում է «Տարեգրքի» այս օրինակը եւ տեղափոխելով Սբ. Ղազար, նուիրում ի՛նչ աւագ եղբօրը՝ մեծ հայագէտ Ղ. Ալիշանին: Այս մասին է վկայում հետեւեալ նշումը. «Տարեգրք Մատթ. Ուռհայեցւոյ եւ Կիլիկեցոց, ըստ Սմբատայ...: Ընծայեաց Սերովբէ Ալիշան յամի 1876, գնեալ ի Յովհ. Ներսիսեան: Գրիչն Վասիլ կոչի»²⁹:

Ընդհանրացնելով նշենք, որ թիւ 1308 ձեռագրի կարճառօտ յիշատակարանները օգնում են ժամանակային եւ տարածական առումներով որոշակիացնել ձեռագրի պատմութեան՝ «Կիլիկեան Հայաստան»

25 Նոյն տեղում:
26 Վ. Յակոբեան, նշ. աշխ., հտ. Ա, էջ 312, 430:
27 Նոյն տեղում:
28 Հայկական համառօտ հանրագիտարան, հտ. Երեւան, 1995, էջ 510:
29 Սմբատայ Սպարապետի Տարեգիրք, էջ Ժ:

«Վան», «Հիզան» եւ «Կոստանդնուպոլիս» շրջանակները, իսկ եկեղեցական հայրերի կողմից ձեռագրի նկատմամբ յատուկ ուղագրութիւնը եւ ուսումնառութեան նպատակով օգտագործումը վկայում են «Տարեգրքի» բարձր համարում ունենալու մասին:

Բ ձեռագրախումբ.

Լոնդոն, ձեռագիր թիւ 5458 (Երեւան, միկրոժապաււէն, թիւ 360)

Գտնուում է Բրիտանական թանգարանում: Նկարագրուել է Ֆ. Կոնիբերի (1913 թ.)³⁰ եւ Ա. Մաթեոսեանի (1963 թ.)³¹ կողմից: Ժողովածոյ, թուղթ, թերթ՝ 145 (5ղx3⁵/₈, 4ղx2ղ), գրութիւնը՝ միասին, գիրը՝ բոլորգիր, տողերը՝ 16-18, վայր՝ անյայտ, գրիչ՝ Վասիլ, ժամանակ՝ ժ.Դ.-ժ.է. դդ.: Յիշատակարաններ՝ չունի, խորագիր՝ չունի: Բովանդակում է՝ Սմբատ Սպարապետ «Տարեգրք», «Ժամանակագրութիւնք, ըստ եօթանասնիցն թարգմանութեան», Հեթում Ախտուց տէր «Համառատ պատմութիւն ժամանակաց», «յԱղամայ, մինչեւ ի ծնունդն Քրիստոսի», «Խոստովանութիւն», Վասիլ Մարաջախտ «Ժամանակագրութիւն», Հեթում Բ թագաւոր «Համառօտ պատմութիւն ժամանակաց հաւաքեալ ի զանազան պատմութեանց, այսինքն ի Հայոց ի Փռանկաց: ի յունաց յասուրոց, աշխատութեամբ իմոյ ծառայիս աստուծոյ Յովհաննէս սպասաւոր բանին ի թուականին Հայոց Չիւնէ», Հայոց թագաւորների եւ իշխանների կարգը եւ ժամանակագրական առանձին վկայութիւններ: Սմբատ Սպարապետի «Տարեգրքը» զբաղեցնում է 5ա-116բ եւ 126ա-126բ էջերը: Խորագիրն է «Պատմութիւն յունաց ի Կոս-

տանդինուպոլիս: Եւ Հայոց Մեծաց յայնմ ժամանակի ժամանակագրութիւն»³²:

Նշենք, որ յետագայում՝ ձեռագիրը վերակազմելիս, աւելացուել են մաքուր թերթեր, հաւանաբար՝ պակասող հատուածները լրացնելու համար, ինչպէս նաեւ գրչագրի առանձին թերթեր իրար են միացուել ոչ ճիշտ, ինչն էլ յանգեցրել է ձեռագրում ընդգրկուած ժամանակագրութիւնների շարադրանքի յաջորդականութեան որոշակի խախտումների:

Յայտնի է, որ ձեռագիրը պատկանել է Բաֆֆուն (1837-1888 թթ.), ում մահից յետոյ, հաւանաբար՝ ժ.Պ. դարի վերջին կամ ի. դարի սկզբին, ընդգրկուել է Բրիտանական թանգարանում³³:

Երեւան, ձեռագիր թիւ 4584

Պահուում է Մ. Մաշտոցի անուան Մատենադարանում: Ձեռագիրը նկարագրել է Օ. Եգանեանը 1965 թ.³⁴: Ժողովածոյ, թուղթ, թերթ՝ 389 (28x20), գրութիւնը՝ երկսիւն, գիրը՝ նօտրգիր, տողերը՝ 55, վայր՝ Տիգրանակերտ (Ամիթ), գրիչ՝ Աբրահամ երէց, ժամանակ՝ 1668 թ.: Խորագրերն ու սկզբնատուերը՝ կարմիր: Յիշատակարաններ՝ 11ա, 24ա, 36բ, 39բ, 40բ, 48ա, 59ա, 74ա, 92բ, 113բ, 123ա, 128ա, 158ա, 165ա, 171ա, 174ա, 186ա, 193ա, 226ա, 227ա, 232բ, 236ա, 237ա, 326ա, 357ա, 358ա: Ստացողներ՝ Խօջա Աւետիս, Խօջա Սահակ: Ձեռագրի խորագիրն է «Ժողովածու Հայոց պատմագիրների»: Բովանդակում է՝ Մովսէս Խորենացի «Պատմութիւն Հայոց», Ստ. Տարօնեցի «Պատմութիւն ժամանակաց ինքնախօսութեան», Արիստակէս Լաստիւեր-

32 ՄՄ. միկրոժապաււէն թիւ 360, էջ 3:
33 A Catalogue of the Armenian Manuscripts in the British Museum, տիտղոսաթերթից յաջորդող ամթուակիր էջ:
34 Յուցակ ձեռագրաց Մաշտոցի անուան Մատենադարանի, հտ. Ա, կազմեցի՝ Օ. Եգանեան, Ա. Զլէթունեան, Փ. Անթարեան, Երեւան, 1965, էջ 1240:

ցի «Վասն անցից անցելոց», Եւսեբիոս Կեսարացի «Եկեղեցական պատմութիւն», Ագաթանգեղոս «Պատմութիւն Հայոց», «Դաշնաց թուղթ», Մեսրոպ Վայոցձորեցի «Պատմութիւն սրբոյն Ներսէսի Պարթեւի», Յովհան Մամիկոնեան «Պատմութիւն Տարօնոյ», Փաւստոս Բուզանդ «Պատմութիւն Հայոց», Եղիշէ «Վասն Վարդանայ եւ Հայոց պատերազմին», Ստ. Օրբէլեան «Պատմութիւն նահանգին Սիսական», «Պատմութիւն Հացունեաց խաչին», Սոկրատ «Պատմութիւն եկեղեցական», Միխայէլ Ասորի «Համառատ ժամանակաց զրոյցք», Վարդան Արեւելցի «Պատմութիւն տիեզերական», «Յիշատակարան թարգմանութեան», Թովմա Մեծոփեցի «Պատմութիւն Լանկութամուրայ եւ յաջորդաց իւրոց», «Կիրակոս Բանասէր Վարք Թովմայ Մեծոփեցոյ», Սմբատ Սպարապետ «Տարեգիրք», Միխայել Ասորի «Ժամանակագրութիւն», Ղեւոնդ «Պատմութիւն Հայոց»:

Սմբատ Սպարապետի «Տարեգիրքը» զբաղեցնում է 365ա-374բ էջերը: Խորագիրն է «Պատմութիւն յունաց ի Կոստանդինուպօլիս եւ Հայոց Մեծաց. յայնմ ժամանակի ժամանակագրութիւն»³⁵: Գրչագրում տեղ են գտել էջերի երկու համարակալումներ՝ հին եւ նոր: Նոր համարակալումը, սակայն, չի համապատասխանում տեքստի բովանդակութեան տրամաբանական յաջորդականութեանը: Ստոյգ պէտք է համարել էջերի ներքեւում նշուած համարակալումները, ըստ որի ճիշտ հերթականութիւնը հետեւեալն է. 729, 728, 731, 730, 733, 732, 735, 734, 737, 736, 737, 736, 739, 738, 741, 740, 743, 742, 745, 744, 747, 746: Էջակալման այս խախտումները, հաւանաբար, տեղի են ունեցել ձեռագիրը վերակազմելու ժամանակ թերթերը ոչ ճիշտ կողմով (աջ) իրար միացնելու պատճառով, որից յետոյ տրուել է նոր՝ շարա-

35 ՄՄ, ձեռագիր թիւ 4584, թ. 365բ:

դրանքի յաջորդական հերթականութեանը չհամապատասխանող համարակալումը:

Ձեռագիրն ընդօրինակուելուց յետոյ ստուգուել է գրչի կողմից, ինչի մասին վկայում են լուսանցքներում նշուած լրացումները³⁶ (ձեռագիրը եւ լուսանցքում կատարուած նշումները գրուած են միեւնոյն ձեռագրով): Լրացումներից դատ, լուսանցքներում կան նշումներ նաեւ շարադրանքի յաջորդականութեան խախտումների մասին³⁷: Մասնաւորապէս՝ բաց են թողնուած Դուինի արաբ ամիրա Աբուլաւարի արշաւանքի, սխոլերի դոմեստիկոսի կամ ինչպէս ձեռագրում է գրուած «Դեմեսկլոսի» պարտութեան, Հայոց Աշոտի Գ արքային ուղղուած Յովհաննէս Չմշկի կի նամակի, ինչպէս նաեւ վերջինիս վարդանի մասին պատմող հատուածները (թ. 365ա)³⁸, որոնք գրուած են 366բ-367ա էջերում՝ Վասպուրականի Սենեքերիմ արքայի կողմից իր տիրոյթները Վասիլ կայսրին յանձնելու մասին պատմող հատուածում³⁹: Այս «բացթողումները», ի հարկէ կարելի է վերագրել գրչի անուշադրութեանը, սակայն այն, որ բաց թողնուած հատուածը չի լրացուել լուսանցքում, այլ յայտնուել է բուն տեքստում, բացառում նրա՝ գրչի աչքից վրիպած լինելու հաւանականութիւնը եւ վկայում, որ այս «թերթերը» գալիս է թիւ 4584 ձեռագրի մեզ անյայտ սկզբնագրից:

Հարկ է նշել, որ ձեռագրի յետագայ դարերի պատմութիւնը վերականգնելու հնարաւոր է: Յայտնի է միայն, որ ձեռագիրը պատկանել է Կարապետ Եգեանի (1835-1905 թթ.), ում կողմից էլ հաւանաբար ԺԹ. դարի վերջին կամ Ի. դարի սկզբին յանձնուել է էջմիածնի վանքի գրադարանին: Այս մասին է վկայում ձեռ-

36 ՄՄ, ձեռագիր թիւ 4584, թ. 369ա, 370ա:
 37 Նոյն տեղում, թ. 366ա, 366բ:
 38 Նոյն տեղում, թ. 365ա:
 39 Նոյն տեղում, թ. 366բ-367ա:

ուագրում առկայ հետեւեալ գրառումը. «Ձայս պատմագրումի ընկալեալ ի Մատենադարան Աթոռոյ ի հանգուցեալ Կարապետ Եգեանէ իբրեւ նուէր...»⁴⁰:

Երեւան, ձեռագիր թիւ 1900

Գտնուում է Մ. Մաշտոցի անուան Մատենադարանում: Նկարագրուել է Օ. Եգանեանի (1965 թ.)⁴¹ եւ Գ. Տէր-Վարդանեանի (2012 թ.)⁴² կողմից: Թուղթ, թերթ՝ 62 (23x16,7,19x13), գրութիւնը՝ միասին, գիրը՝ շղագիր, տողերը՝ 21-26, վայր՝ էջմիածին, գրիչ՝ Յովհաննէս Գէորգեան, ժամանակ՝ սեպտեմբեր, 1826 թ.: Խորագրերն ու սկզբնատառերը՝ սեւ: Յիշատակարան՝ 2ա: Խորագիրն է «Սմբատ, Պատմագիրք: Սոյն այս Սմբատ էր Սպարապետ Լեւոնի Դ, արքայի տանն Կիլիկիոյ, գունդուստապլ անուանեալ: Սկիզբն առնէ սա ի չորս հարիւր թուականէն Հայոց ի Գագկայ թագաւորէն, որդւոյ Աշոտայ Բագրատունւոյ. շարակարգելով հասուցանէ մինչեւ ցթուական ՉՀԼ ցօծումն նոյն Լեւոնի Դ, որոյ էր սպարապետ»⁴³: Ընդօրինակուել է ՄՄ թիւ 4584 ձեռագրից, «Տարեգրքի» մուկովեան (1856 թ.) հրատարակութեան⁴⁴ հիմքն է:

Սանկտ Պետերբուրգ, ձեռագիր թիւ 40

Պահուում է ՌԴ Գիտութիւնների ակադեմիայի արեւելագիտութեան ինստիտուտում: Նկարագրուել է 2005 թ. Կ. Իւզբաշեանի կողմից: Թուղթ, թերթ՝ 69 (21.6x17.3), գրութիւնը՝ միասին, գիրը՝ նօսրգիր, տողերը՝ 23: Խորագիրն է «Պատ-

40 Նոյն տեղում, թ. 1ա:
 41 Յուրաքանչեւ ձեռագրաց Մաշտոցի անուան Մատենադարանի, հտ. Ա, էջ 670:
 42 Մայր ցուցակ հայերէն ձեռագրաց Մաշտոցի անուան Մատենադարանի, հտ. Զ, խմբագրութեամբ՝ Գ. Տէր-Վարդանեանի, Երեւան, 2012, էջ 457-460:
 43 ՄՄ, ձեռագիր թիւ 1900, թ. 2ա:
 44 Մայր ցուցակ հայերէն ձեռագրաց մատենադարանի Միխայիլեանց ի Վեներիկ, հտ. Զ, էջ 289-292:

մագրութիւն Հայոց, աշխատասիրեալ ի Սմբատայ սպարապետէ Լեւոնի Դ արքայի Կիլիկիոյ Հայոց, որ առնու գսկիզբն ի չորս հարիւր թուականէն Հայոց ի Գագկայ թագաւորէ որդւոյ Աշոտայ Բագրատունւոյ եւ շարակարգեալ հասուցանէ գթուականն ՉՀԼ, այն է ամ Տեառն 1329»:

Ընդօրինակուել է ՄՄ թիւ 1900 ձեռագրից 1846 թ., իսկ 1847 թ. Յովհաննէս Շահխաթունեանցի միջնորդութեամբ յանձնուել է Ս. Պետերբուրգի Ասիական թանգարան⁴⁵:

Վեներիկ, ձեռագիր թիւ 1149

Գտնուում է Վեներիկի Միխայիլեան մատենադարանում: Նկարագրուել է Ս. Ճեմճեմեանի կողմից 1996 թ.⁴⁶: Թուղթ, թերթ՝ 88 (19x24), գրութիւնը՝ միասին, գիրը՝ նօսրգիր, տողերը՝ 25, վայր՝ էջմիածին, գրիչ՝ Գրիգոր Տէր Գրիգորեան, ժամանակ՝ 1840 թ.: Խորագրերն ու սկզբնատառերը՝ սեւ: Յիշատակարան՝ 1ա, խորագիրն է «Սմբատ Սպարապետ: Սոյն այս Սմբատ էր սպարապետ Լեւոնի Դ, արքայի տանն Կիլիկիոյ, գունդուստապլ անուանեալ: Սկիզբն առնէ սա ի չորս հարիւր թուականէն Հայոց ի Գագկայ թագաւորէն, որդւոյ Աշոտայ Բագրատունւոյ. շարակարգեալ հասուցանէ մինչեւ ցթուական ՉՀԼ ցօծումն նոյն Լեւոնի Դ, որոյ էր սպարապետ»:

Ընդօրինակուել է ՄՄ թիւ 1900 ձեռագրից: Ձեռագրերի համեմատութիւնը ցոյց է տալիս, որ «Տարեգրքի» այս երկու օրինակները յանգում են մէկը միւսին. նրանք կրում են նոյն խորագրերը, միաման են գրուած նաեւ գրիչների յիշատա-

45 Армянские рукописи в Петербургских собраниях. Каталог.- "Православный Палестинский сборник". Вып. 41 (104), Санкт-Петербург, Изд-во «Дмитрий Буланин», 2005, стр. 138.
 46 Մայր ցուցակ հայերէն ձեռագրաց մատենադարանի Միխայիլեանց ի Վեներիկ, հտ. Զ, էջ 289-292:

կարանները. «Ապա օրինակեցաւ ի Սուրբ Էջմիածին, գրչութեամբ Յովհաննու արեղայի Գէորգեան, ի 1826, յամսեանն սեպտեմբերի» (Թիւ 1900, թ. 2), «Ապա օրինակեցաւ ի Սուրբ Էջմիածին գրչութեամբ Գրիգորի դպրի Տէր Գրիգորեան, ի 1840 ամի, յամսեանն մարտի» (Թիւ 1149, թ. 1): Թիւ 1149 ձեռագիրը 1845 թ. Վենետիկի Մխիթարեան միաբանութեան մատենադարանին է նուիրել Հայագէտ Էմիլ Բորէն⁴⁷:

Վեներտիկ, ձեռագիր թիւ 1261

Պահւում է Վենետիկի Մխիթարեան մատենադարանում: Ձեռագիրը 1996 թ. նկարագրել է Ս. Ծեմճեմեանը⁴⁸: Ժողովածոյ, թուղթ, թերթ՝ 162 (18x23), գրութիւնը՝ միասիւն, գիրը՝ նօտրգիր-չղագիր, տողերը՝ 25, վայր՝ Էջմիածին, գրիչ՝ Գրիգոր Տէր Գրիգորեան, ժամանակ՝ 1840 թ.: Խորագրերը՝ սեւ: Յիշատակարան՝ 1ա, խորագիր՝ չունի: Բովանդակում է՝ Սմբատ Սպարապետ «Տարեգիրք», Յանկ եւ Յիշատակարանք Հնագիր մատենիցն Սեւանայ (էջ 97-162): «Տարեգիրքը» գրադեցնում է 1-92 էջերը: Խորագիրն է «Սմբատ Սպարապետ, Պատմագիրք: Սոյն այս Սմբատ էր Սպարապետ Լեւոնի Դ, արքայի տանն Կիլիկիոյ, գունդտապլ անուանեալ: Սկիզբն առնէ սա ի չորս հարիւր թուականէն Հայոց ի Գագկայ թագաւորէն, որդւոյ Աշոտոյ Բագրատունւոյ. շարակարգելով հասուցանէ մինչեւ ցթուական ՉՀԸ ցօծումն նոյն Լեւոն Դ, որոյ էր սպարապետ»: Ընդօրինակուել է ՄՄ թիւ 1900 ձեռագրից, ապա՝ տեղափոխուել Վենետիկի Մխիթարեանների մատենադարան⁴⁹:

47 Սմբատայ Սպարապետի Տարեգիրք, էջ Ը, ԺԱ:
 48 Մայր ցուցակ հայերէն ձեռագրաց մատենադարանին Մխիթարեանց ի Վեներտիկ, հտ. 9, էջ 291-294:
 49 Սմբատայ Սպարապետի Տարեգիրք, էջ ԺԱ:

Երեւան, ձեռագիր թիւ 4337

Գտնուում է Մ. Մաշտոցի անուան Մատենադարանում: Նկարագրուել է Օ. Եգանեանի կողմից 1965 թ.⁵⁰: Ժողովածոյ, թուղթ, թերթ՝ 277 (21x17), գրութիւնը՝ միասիւն, գիրը՝ նօտրգիր-չղագիր, տողերը՝ 24-26, ժամանակ՝ 1818, 1840, 1845, 1850, 1851, 1855, 1858 թթ. (ըստ Օ. Եգանեանի նկարագրութեան), վայր՝ Նիկողիա (ա), Էջմիածին (բ), Երուսաղէմ (գ, է), Սամաթիա (դ, է), գրիչ՝ Յարութիւն սարկաւազ (ա), Գրիգոր Տէր-Գրիգորեան (բ), Պօղոս Պետրոսեան (գ), Եփրեմ Սարգսեան (ե), միւսները՝ անանուն: Խորագրերն ու սկզբնատառերը՝ սեւ: Յիշատակարան՝ 119բ (1818 թ.), 2ա (1840 թ.), 137ա (1845 թ.), 222ա (1850 թ.), 188ա (1851 թ.), 263ա (1855 թ.), 269բ (1858 թ.): Բովանդակում է՝ Սմբատ Սպարապետ «Տարեգիրք», Եփրեմ Սեպի «Մեկնութիւն մարգարէութեանն Յովնանու», «Թուղթ Փոտոյ պատրիարքի առ Ջաքարիա կաթողիկոսի Հայոց», «Թուղթ Յովհաննու արքեպիսկոպոսի Նիկիոյ առ Ջաքարիա կաթողիկոս Հայոց», Ներսէս Լամբրոնացի «Մեկնութիւն Հայր մեր», Գրիգոր Մագիստրոս «Չափաբերականք» Աբու-Սաիդ «Յաղագս կազմութեան մարդոյ», «Յաղագս իմաստասիրութեան» Գրիգոր վարդապետ «Նկարագիր Հրովարտակի», Պ. Ալթունեան «Պտուղ ցանկալի» Վաղբերոս Գատոն «Վասն բարւոք կենցաղավարելոյ», «Խրատք», «Երգ առ Ս. Յակոբ», Պօղոս Պետրոսեան «Տեղագրութիւն Շիրակայ», «Սիբիլական գուշակութիւն» (թարգմ. գերմաներէնից), «Կանոն վերջնօծման», Վանական վարդապետ «Զինչ ճրագալուցին լուցանելն»: «Տարեգիրքը» գրադեցնում է 2ա-40բ էջերը: Խորագիրն է «Սմբատ Սպարապետ, Պատմագիրք: Սոյն այս Սմբատ էր սպարապետ Լեւոն արքայի տանն Կիլիկիոյ, գունդտապլ

50 Յուցակ ձեռագրաց Մաշտոցի անուան Մատենադարանի, հտ. Ա, էջ 1194-1195:

նուանեալ: Սկիզբն առնէ սա ի չորս հարիւր թուականէն Հայոց ի Գագկայ թագաւորէն, որդւոյ Աշոտոյ Բագրատունւոյ. շարակարգելով հասուցանէ մինչեւ ցթուականն ՉՀԸ ցօծումն նոյն Լեւոնի Դ, որոյ էր սպարապետ»⁵¹:

Նշենք, որ ժողովածոյում ընդգրկուած երկերի ընդօրինակման տարեթուերի ըստ հերթականութեան դասաւորուածութիւնը (1840 թ., 1818 թ., 1845 թ., 1851 թ., 1850 թ., 1855 թ., 1858 թ.) յուշում է, որ դրանք չէին կարող յաջորդաբար արտագրուած լինել վերը նշուած գրիչների կողմից: Ձեռագրի ուսումնասիրութիւնը ցոյց է տալիս, որ այն չէր կարող ստեղծուել նաեւ տարբեր վայրերում, զանազան տարեթուերին ընդօրինակուած աշխատութիւնների միակցման կամ վերակազմման միջոցով: Ձեռագրի քննութեան արդիւնքում պարզ է դառնում, որ նրանում իւրաքանչիւր յաջորդ պրակ նախորդի անմիջական շարունակութիւնն է, հետեւաբար՝ այն ստեղծուել է որպէս մէկ ամբողջական ձեռագիր: Պէտք է ենթադրել, որ երկերը ընդօրինակելիս արտագրուել են նաեւ նրանց կից յիշատակագրութիւնները, ինչն էլ շփոթի տեղիք է տուել ժողովածոն՝ Յարութիւն սարկաւազի, Գրիգոր Տէր-Գրիգորեանի, Պօղոս Պետրոսեանի, Եփրեմ Սարգսեանի եւ այլոց անմիջական ընդօրինակութիւնները համարելու համար:

Նշենք նաեւ, որ գրիչների ձեռագրերի բաղդատութիւնը ցոյց է տալիս, որ թիւ 4337-ը արտագրուել է յաջորդաբար մի քանի գրիչների կողմից: Մասնաւորապէս՝ առաջին գրիչն ընդօրինակել է 1-40բ էջերը (գիրը՝ նօտրգիր, թանաքը՝ սեւ), երկրորդ գրիչը՝ 43ա-119բ էջերը (գիրը՝ մանր նօտրգիր, թանաքը՝ շագանակագոյն), երրորդ գրիչը՝ 122ա-216բ էջերը (գիրը՝ շղագիր, թանաքը՝ սեւ), այնուհետեւ շարունակել է կրկին երկրորդ գրիչը՝ գրելով 223ա-

51 ՄՄ, ձեռագիր թիւ 4337, թ. 2ա:

253բ էջերը (գիրը՝ մանր նօտրգիր, թանաքը՝ կրկին շագանակագոյն), իսկ չորրորդ եւ հինգերորդ գրիչները գրել են ձեռագրի վերջին՝ համապատասխանաբար 258ա-263ա (գիրը՝ շղագիր, թանաքը՝ սեւ) եւ 265ա-270ա էջերը (գիրը՝ շղագիր, թանաքը՝ սեւ): Այսպիսով՝ ձեռագրի ստեղծման վրայ աշխատել է հինգ գրիչ, ընդ որում, դատելով ընդօրինակողների թուից՝ գրչութեան որեւէ մեծ կենտրոնում:

Վիեննա, ձեռագիր թիւ 104 (հիմ թիւ՝ 54 Ա)

Գտնուում է Վիեննայի Մխիթարեան մատենադարանում: Նկարագրուել է Յ. Տաշեանի կողմից 1895 թ.⁵²: Թուղթ, թերթ՝ 64 (21.5x17.5, 16.5x12.5), գրութիւնը՝ միասիւն, գիրը՝ նօտրգիր, տողերը՝ 20, գրիչ՝ անյայտ, ժամանակը՝ ժ.թ. դար: Յիշատակարան՝ 1ա: Խորագիրն է «Սմբատ Սպարապետ, Պատմագիրք: Սոյն այս Սմբատ էր սպարապետ Լեւոն Դ, արքայի տանն Կիլիկիոյ, գունդտապլ անուանեալ: Սկիզբն առնէ սա ի չորս հարիւր թուականէն Հայոց ի Գագկայ թագաւորէն, որդւոյ Աշոտոյ Բագրատունւոյ. շարակարգելով հասուցանէ մինչեւ ցթուականն ՉՀԸ ցօծումն նոյն Լեւոն Դ, որոյ էր սպարապետ»:

Ըստ Յ. Տաշեանի՝ այս ձեռագիրը քիչ է տարբերուում Սմբատ Սպարապետի «Տարեգիրք» Կ. Շահնազարեանի հրատարակութիւնից եւ ընդօրինակուել է Փարիզի ու Մոսկուայի հրատարակութիւնների համար հիմք հանդիսացած Էջմիածնի ձեռագրի օրինակից հանուած երկրորդ օրինակից⁵³: Ձեռագիրը Վիեննայի Մխիթարեանների հաւաքածոյի մէջ է ընդգրկուել 1845-1867 թթ.⁵⁴:

52 Յուցակ հայերէն ձեռագրաց մատենադարանին Մխիթարեանց ի Վիեննա, կազմեց՝ Յ. Տաշեան, Վիեննա, 1895, էջ 376-377:
 53 Յուցակ հայերէն ձեռագրաց մատենադարանին Մխիթարեանց ի Վիեննա, էջ 377:
 54 Նոյն տեղում, էջ 336:

Զմմառ, ձեռագիր թիւ 469 (հիմ թիւ՝ ԾԶ)

Գտնուում է Զմմառի վանքի մատենադարանում, նկարագրուել է Ն. Ակինեանի եւ Հ. Ոսկեանի կողմից 1971 թ.⁵⁵: Թուղթ, թերթ 56 (22.5x14.5, 18x10.5), գրութիւնը՝ միասիւն, գիրը՝ նօտրգիր-շղագիր, տողերը՝ 22, վայր՝ էջմիածին, գրիչ՝ Գրիգոր Տէր Գրիգորեան, ժամանակ՝ 1840: Խորագրերը սեւ: Յիշատակարան՝ 1ա: Խորագիրն է. «Սմբատ Սպարապետ, Պատմագիրք: Սոյն այս Սմբատ էր Սպարապետ Լեւոնի Դ, արքայի տանն Կիլիկիոյ, գունսդտապլ աւուանեալ: Սկիզբն առնէ սա ի չորս հարիւր թուականէն Հայոց ի Գագկայ թագաւորէն, որդւոյ Աշոտոյ Բագրատունւոյ. շարակարգելով հասուցանէ մինչեւ ցթուական ՉՀԸ ցօծումն նոյն Լեւոն Դ, որոյ էր սպարապետ»:

Զեռագիրը նախապէս ընդգրկուած է եղել Անտոնեան Միաբանութեան հաւաքածոյի մէջ, իսկ Ի. դարի առաջին քառորդում միաբանութեան գոյութեան դադարելուց յետոյ, ի թիւս այլ ձեռագրերի Կոստանդնուպոլսից տեղափոխուել է Զմմառի վանքի գրադարան⁵⁶: Նշենք նաեւ, որ թիւ 469 ձեռագիրը չի յիշատակուում մինչեւ 1924 թ. վանքում գտնուող ձեռագրերի ցուցակում⁵⁷, հետեւաբար՝ այն Զմմառ է տեղափոխուել 1924 թ. յետոյ:

Երուսաղէմ, ձեռագիր թիւ 521

Գտնուում է Երուսաղէմի Սրբոց Յակոբեանց վանքում: Նկարագրուել է Ն. Պո-

55 Յուլիա Բալայեան Զմմառի վանքի մատենադարանի, հտ. Բ, կազմեցիմ՝ Ն. Ակինեան, Հ. Ոսկեան, Վիեննա, 1971, էջ 66:
56 Յուլիա Բալայեան Զմմառի վանքի մատենադարանի, հտ. Բ, տիտղոսաթերթիմ յաջորդող անթուակիր էջ:
57 Յուլիա Բալայեան Զմմառի վանքի մատենադարանի, կազմեց Մեսրոպ Վրդ. Քէշիշեան, Վիեննա, 1964:

ղարեանի կողմից 1967 թ.⁵⁸: Ժողովածոյ, թուղթ, թերթ՝ 356 (22x18x2), գրութիւնը՝ միասիւն, գիրը՝ նօտրգիր-շղագիր, տողերը՝ 25-27, վայր՝ Կոստանդնուպոլիս, գրիչ՝ Սեւրուբէ Պետրոսեան, ժամանակ՝ 1851 թ.: Խորագրերը՝ սեւ: Յիշատակարան՝ 191(ա), 2(բ), 93(գ): Բովանդակում է՝ Սեւրուբէ «Պատմութիւն Հերակլի» (էջ 3-19): Սմբատ Սպարապետ Պատմագիրք(ա) Սմբատ Սպարապետ Պատմագիրք(բ):

Սմբատ Սպարապետ. Պատմագիրք (ա) ն զբաղեցնում է 2-72 էջերը: Խորագիրն է «Սմբատ Սպարապետ, Պատմագիրք: Սոյն այս Սմբատ էր սպարապետ Լեւոնի Դ, արքայի տանն Կիլիկիոյ, գունսդտապլ աւուանեալ: Սկիզբն առնէ սա ի չորս հարիւր թուականէն Հայոց ի Գագկայ թագաւորէն, որդւոյ Աշոտոյ Բագրատունւոյ. շարակարգելով հասուցանէ մինչեւ ցթուական ՉՀԸ ցօծումն նոյն Լեւոն Դ, որոյ էր սպարապետ»:

Զեռագիրը ընդօրինակուել է Գրիգոր Տէր Գրիգորեանի՝ 1840 թ. արտագրուած ձեռագրից կամ նրանից հանուած մէկ այլ օրինակից 1851 թ., իսկ 1861 թ. սեպտեմբերի 12-ին՝ նուիրուել Երուսաղէմի Սրբոց Յակոբեանց վանքին⁵⁹: Զեռագրում առկայ է «Տարեգրքի» եւս մէկ օրինակ՝ Պատմագիրք (բ), որը զբաղեցնում է վերջին՝ 1-93 էջերը: Խորագիրը, բովանդակութիւնն ու ընդօրինակման հանգամանքները նոյնն են⁶⁰:

Փարիզ, ձեռագիր թիւ 229 (հիմ թիւ՝ 102)

Պահուում է Յրանսիայի ազգային գրադարանում: Նկարագրուել է Ռ. Գեւորգեանի եւ Ա. Տէր-Ստեփանեանի կողմից

58 Մայր ցուցակ ձեռագրաց սրբոց Յակոբեանցի, հտ. Բ, կազմեց՝ Ն. Պողարեան, Երուսաղէմ, 1967, էջ 522-527:
59 Մայր ցուցակ ձեռագրաց սրբոց Յակոբեանցի, հտ. Բ, էջ 525:
60 Նոյն տեղում:

1998 թ.⁶¹: Թուղթ, թերթ՝ 106 (145x200), գրութիւնը՝ միասիւն, գիրը՝ նօտրգիր, տողերը՝ 22, գրիչ՝ անյայտ, ժամանակ՝ ժ. դար: Յիշատակարան՝ 1, 105-106: Խորագիրն է «Սմբատ Սպարապետ, Պատմագիրք: Սոյն այս Սմբատ էր սպարապետ Լեւոնի Դ, արքայի տանն Կիլիկիոյ, գունսդտապլ աւուանեալ, սկիզբն առնէ սա ի չորս հարիւր թուականէն Հայոց ի Գագկայ թագաւորէն, որդւոյ Աշոտոյ Բագրատունւոյ. շարակարգելով հասուցանէ մինչեւ ցթուականն ՉՀԸ ցօծումն նոյն Լեւոնի Դ, որոյ էր սպարապետ»:

Զեռագիրը պատկանել է Յովհաննէս Զամուրճեանին, այնուհետեւ ձեռք է բերուել հայագէտ է. Դիւրորիէի կողմից, իսկ նրա մահից յետոյ վաճառուել է Յրանսիայի ազգային գրադարանին⁶²: Զեռագիրը հաւաքածոյի մէջ է ընդգրկուել 1868 թ. հոկտեմբերի 9-ին⁶³:

Վենետիկ, ձեռագիր թիւ 542

Պահուում է Վենետիկի Մխիթարեան մատենադարանում: Նկարագրուել է Ս. Զեմմեմեանի կողմից 1996 թ.⁶⁴: Պատմութիւն Ո թուականին», «Պատմութիւն Չ թուականին», թէ գինչ գործեցաւ ի նմա»: Բ խմբի ձեռագրերը չունեն թիւ 1308-ին բնորոշ կառուցուածքային այս առանձնատիպութիւնը:

Գ) Թիւ 1308 ձեռագրի լեզուն պարզ գրաբարն է, իսկ Բ խմբի ձեռագրերի լեզուն թէեւ նոյնպէս գրաբարն է, սակայն լայնօրէն գործածուում են միջին հայերէնին յատուկ քերականական իրողութիւններ: Ուշադրութեան են արժանի նաեւ այն բազմաթիւ յաւելում-յապաւումները, որոնցով մի խմբի ձեռագրերը հապէս տարբերուում են միւս խմբի ձեռագրերից: Մասնաւորապէս՝ Բ խմբի ձեռագրերում յապաւում են Պետրոս Գետադարձ կաթողիկոսի՝ Վասպուրական տեղափոխուելու, Յովհաննէս-Սմբատ արքայի կողմից նրա յետ կանչուելու եւ Բջնիում բանտարկուելու, այնուհետեւ:

«Տարեգրքի» ձեռագրերի ուսումնասիրումը ի յայտ է բերում խմբագրական բնոյթի մի շարք տարբերութիւններ, որոնք

61 Manuscripts arméniens de la Bibliothèque nationale de France, R. Kevorkian, A. Ter-Stepanian, Paris, 1998, p. 794.
62 Նոյն տեղում, էջ XXXIII:
63 Նոյն տեղում, էջ 794:
64 Մայր ցուցակ հայերէն ձեռագրաց մատենադարանի Մխիթարեանց ի Վենետիկ, հտ. Զ, էջ 77-80:

տարբերում են զրչագրերը դասակարգել երկու խմբում՝ Ա (Վենետիկ, թիւ 1308) եւ Բ (Լոնդոն, թիւ 5458, Երեւան, թիւ 4548, Վենետիկ, թիւ 542, Երեւան, թիւ 1900, Սանկտ Պետերբուրգ, թիւ 40, Վենետիկ, թիւ 1261, Վենետիկ, թիւ 1149, Երեւան, թիւ 4337, Փարիզ, թիւ 229, Երուսաղէմ, թիւ 521 (պարունակում է երկու օրինակ), Զմմառ, թիւ 469, Վիեննա, թիւ 104):

Ա եւ Բ ձեռագրախմբերի միջեւ առկայ են կառուցուածքային եւ լեզուաոճական մի շարք տարբերութիւններ:

ա) Ա խմբում տեքստը սկսում է «մեզ հարկատու. առին ի մէնջ զօրավար եւ ետուն մեզ գիր ծառայութեան» բառերով եւ ընդհատուում է 1272 թ. դէպքերի նկարագրումով (թերթերն ընկած լինելու պատճառով): Բ խմբի ձեռագրերում դէպքերի շարադրանքը սկսում է 951 թ. եւ աւարտուում 1331 թ.:

բ) Ա խմբի ձեռագրում շարադրանքը ներկայացուում է ըստ հարիւրամեակների, մասնաւորապէս՝ «Պատմութիւն Շ թուականին, գինչ գործեցաւ ի նմա», «Պատմութիւն Ո թուականին», «Պատմութիւն Չ թուականին», թէ գինչ գործեցաւ ի նմա»: Բ խմբի ձեռագրերը չունեն թիւ 1308-ին բնորոշ կառուցուածքային այս առանձնատիպութիւնը:

գ) Թիւ 1308 ձեռագրի լեզուն պարզ գրաբարն է, իսկ Բ խմբի ձեռագրերի լեզուն թէեւ նոյնպէս գրաբարն է, սակայն լայնօրէն գործածուում են միջին հայերէնին յատուկ քերականական իրողութիւններ: Ուշադրութեան են արժանի նաեւ այն բազմաթիւ յաւելում-յապաւումները, որոնցով մի խմբի ձեռագրերը հապէս տարբերուում են միւս խմբի ձեռագրերից: Մասնաւորապէս՝ Բ խմբի ձեռագրերում յապաւում են Պետրոս Գետադարձ կաթողիկոսի՝ Վասպուրական տեղափոխուելու, Յովհաննէս-Սմբատ արքայի կողմից նրա յետ կանչուելու եւ Բջնիում բանտարկուելու, այնուհետեւ:

տեւ կաթողիկոսական աթոռին վերահաստատուելու, Ալփ Արսլանի սպանութեան, Մելիքշահի թագադրման, Գրիգոր Մագիստրոսի որդու՝ Անտիոքի դուքս Վասակ Պահլավունու սպանութեան եւ մի շարք այլ հատուածներ: Միւս կողմից՝ աւելացուած են 1036/1037 եւ 1176 թթ. արեւի խաւարումները, Թորոս իշխանի կողմից Գագիկ Բ արքայի սպանութեան վրէժն առնելուց յետոյ Կիզիստրա բերդի բնակիչներին Պառատիս գետի ափին վերաբնակեցնելու հատուածները: Բացի նշուածներից, Բ խմբի բոլոր ձեռագրերի համար բնութագրական են Սմբատ Սպարապետի՝ «Տարեգրքի» հեղինակը լինելու մասին յիշատակումները, որոնք բնորոշ են միայն այս խմբի ձեռագրերին: Իր հերթին թիւ 1308 ձեռագրում կան մի շարք յաւելումներ, որոնք չենք գտնում Բ խմբի գրչագրերում:

Նշենք, որ երկու խմբերի ձեռագրերում տեղ գտած տարբերութիւնների վերլուծութիւնը, ինչպէս նաեւ՝ դրանց համադրումը «Տարեգրքի» սկզբնաղբիւր Մատթէոս Ուռհայեցու «Ժամանակագրութեան» հետ կարեւորութիւն է ներկայացնում այն առումով, որ թոյլ է տալիս պարզել՝ արդեօք Ա եւ Բ խմբերի սկզբնագրերը յանգում են մէկը միւսին, թէ ստեղծուել են որպէս միեւնոյն աշխատութեան ինքնուրոյն խմբագրութիւններ:

Բերենք մէկ օրինակ. անդրադառնալով հայերի նկատմամբ Բիւզանդիայի վարած քաղաքականութեան հետեւանքներին՝ Մատթէոս Ուռհայեցին գրում է. «...որ ի մէկ տարւոյ հասան մինչեւ ի դուռն Կոստանդնուպօլսի եւ առին զամենայն աշխարհն Հոռոմոց, զքաղաքս ծովեզերաց եւ զկղզիս նոցա եւ արարին զագգն Յունաց որպէս զբանտարկեալս ի ներս ի Կոստանդնուպօլսի»⁶⁵:

65 Մատթէոս Ուռհայեցի, Ժամանակագրութիւն, Վաղարշապատ, 1898, էջ 136:

«Տարեգրքի» Ա եւ Բ խմբերում (այս սուհեանեւ համեմատութիւններում բնագիրը մէջբերում է ըստ Բ խմբի՝ մեր տրամադրութեան տակ գտնուող ամենահին թիւ 4584 ձեռագրի) այս հատուածը հետեւեալ տեսքն ունի.

Թիւ 1308

«...զի ի ա ամն զայս ամենայն աշխարհս առին ի նոցանէ, եւ ինքեանք փախստականք անկան ի Կոստանդինուպօլսի» (թ. 34ա):

Թիւ 4584

«...որ ի մէկ տարին հասան մինչեւ ի դուռն Կոստանդնուպօլսի. եւ առին զամենայն քաղաքսն ծովեզերովն եւ զկղզիսն նոցա. եւ արարին զնոսա զէտ զընտանաց ի Կոստանդնուպօլսի» (թ. 369բ):

Վերլուծութիւնը ցոյց է տալիս, որ Բ խմբի հաղորդումն աւելի հարազատ է աղբիւրին, հետեւաբար նաեւ՝ «Տարեգրքի» սկզբնագրին, իսկ Ա խմբինը՝ իր հակիրճ եւ ընդհանրացուած ձեւով, տարբերում է թէ՛ մէկից եւ թէ՛ միւսից, ինչը թոյլ է տալիս ենթադրել, որ սկզբնագրի այս հաղորդումը խմբերում մշակուել է միմեանցից անկախ: Համադրենք եւս մէկ հատուած.

Մատթէոս Ուռհայեցի

«... եւ Մանիակն կայր ի մեծ վտանգի: Եւ զկնի այսորիկ թագաւորն Ռոմանոս խորհեցաւ շալկով հաց արկանել ի քաղաքն: Եւ գնային ի գիշերի վաթսուն հար Հոռոմ կոնդորածք, անցան ընդ Եփրատ գետն եւ գային ի յՈւրհա. իսկ այլ չէն ոչ գոյր ի գաւառն Ուրհայոյ, բայց միայն Լտարն. յորժամ հասին ի Պարսուէր հարաւ Շիպիպն ի վերայ նոցա եւ մինչեւ ի Դեանաձորն կոտորեաց զվաթսուն հազար կոնդորատսն. եւ այսպիսի նեղութեամբ կայր Ուրհա, մինչեւ զօրացաւ քաղաքն եւ յաղթահարեաց զթշնամիսն. եւ արար ընդ նոսա սէր, եւ եղեւ խաղաղութիւն ի վերայ»

Ուրհայոյ, եւ զաղարեալ եղեւ հալածանք քրիստոնէից: Այս ամենայն եղեւ ի թագաւորութեան Աշոտոյ Բագրատունւոյ եւ ի հայրապետութեանն Տէր Պետրոսի Հայոց կաթողիկոսի: Եւ յաւուրս Տուղրիլ Սուլթանին Պարսից տէրութեանն առաւ ի Տաճկաց քաղաքն Ուրհա: Իսկ յետ այս ամենայն անցիցս եւ նեղութեանցս եւ չարչարանացս, զոր կրեաց քաջն Մանիակ, փոխեաց զնա Ռոմանոս եւ տայ զՈւրհա Ապուքայայ վրանպահուն Դաւթի Կուրապաղատին»⁶⁶:

Ա եւ Բ խմբերում ունենք այսպիսի պատկեր.

Թիւ 1308

«Իսկ Մանիակ ի վտանգի կայր զօրքն ի սովոյ, եւ ոչ կարէին գտանել կերակուր, եւ հրամանաւ թագաւորին տանէին շալկաւ ցորեան ի գիշերի ածեալ ի քաղաքն: Եւ իմացեալ Տաճիկքն կոտորեցին զնոսա եւ առին զցորեանն. եւ Մանիակն կայր ի մեծ վտանգի մինչեւ արար թագաւորն սէր ընդ նոսա, եւ եղեւ խաղաղութիւն մեծ եւ լցաւ քաղաքն հացիւ: Այս եղեւ ի թագաւորութեանն Ռոմանոսի, եւ ի թուին Հայոց ՆՁ» (թղ. 13ա-13բ):

Թիւ 4584

«Իսկ Մանիակն ի վտանգի էր, եւ զօրքն ի սովոյ նեղեալ չգտանէին կերակուր. եւ հրամանաւ թագաւորին տանէին զեսպանք շալկով ի գիշերի ցորեն շատ ի քաղաքն եւ իմացան տաճիկքն եւ սպանին զամէնն եւ առին զցորենն, եւ Մանիակն ի տագնապ էր, մինչեւ արար թագաւորն ընդ նոսա սէր. եւ եղեւ խաղաղութիւն մեծ: Եւ այս եղեւ ի թագաւորութեանն Ռոմանոսի ի թուին ՆՁ: Իսկ յետ շատ նեղութեանց զոր կրեաց Մանիակ, փոխեաց զնա Ռոմանոսն. եւ ետ զուրհա Ապուքաքա վրանա-

պահին Դաւթի կուրապաղատին» (թղ. 367բ):

Պարզորոշ երեւում է, որ Ա եւ Բ խմբերում «Տարեգրքի» սկզբնագիրը խմբագրուել է միմեանցից անկախ: Այս մասին են վկայում մի կողմից՝ նշուած օրինակների առաջին հատուածի գրեթէ նոյնական նմանութիւններն ու տարբերութիւնները՝ համեմատած սկզբնաղբիւր Մատթէոս Ուռհայեցու «Ժամանակագրութեան» հետ, իսկ միւս կողմից՝ թիւ 4584 ձեռագրից բերուած եւ թիւ 1308-ում բացակայող վերջին հատուածի գրեթէ բառացի համընկնումը սկզբնաղբիւրի հետ: Հետեւաբար՝ Ա եւ Բ խմբերը չեն ծագում մէկը միւսից, ինչպէս կարող է թուալ առաջին հայեացքից, այլ, ընդհանուր սկզբնագրին յանգելով, որպէս ինքնուրոյն խմբագրութիւններ, ներկայացնում են «Տարեգրքի» ձեռագրերի երկու տարբեր «ճիւղեր»:

Հարկ է նշել, որ նման գուգահեռները, «Տարեգրքի» ձեռագրախմբերի յարաբերակցութիւնը պարզելուց զատ, որուագծում են նաեւ դրանց սկզբնագիրը: Այս առումով ուշադրութեան են արժանի ոչ միայն ձեռագրերի՝ սկզբնաղբիւրի հետ համընկնող, սակայն միմեանցից տարբերող հատուածները, այլեւ՝ ընդհանուր ընթերցումները:

Ներկայացնելով Բջնի ամրոցի մօտ տեղի ունեցած ճակատամարտը՝ Մատթէոս Ուռհայեցին գրում է. «Յայնժամ սպառազինեալ մեծի իշխանին Գրիգորի որդի Վասակայ Պահլավունւոյ եւ երթեալ զօրօք բանակս հարկանէր ի վերայ գետոյն Հուրաստանի մերձ ի Բջնի մեծի ամրոցին»⁶⁷:

Ա եւ Բ ձեռագրախմբերում նշուած հատուածը խմբագրուել է հետեւեալ կերպ.

66 Մատթէոս Ուռհայեցի, Ժամանակագրութիւն, էջ 64:

67 Մատթէոս Ուռհայեցի, Ժամանակագրութիւն, էջ 88:

Թիւ 1308

«Եւ յայնժամ սպառազինեալ մեծն Գրիգորիս Պաշլաուունին, որդին Վասակայ, եւ երթեալ բանակ հարկանէր ի վերայ Ախուրան գետոյ, մերձ յամուրն Բջնի» (Թղ. 19ա):

Թիւ 4584

«Յայնժամ սպառազինեալ մեծն Գրիգորիս Պաշլաուունին որդին քաջին Վասակայ. եւ երթեալ բանակ հարկանէր ի վերայ Ախուրան գետոյ մերձ յամուրն Բջնի» (Թղ. 367ա):

Ճիշտը, անշուշտ, Մատթէոս Ուռհայեցու յիշատակած Հուրաստանն է (Հրագրան), իսկ «Տարեգրքի» խմբագրութիւններում նշուած Ախուրանն ակնյայտ սխալ պէտք է համարել: Սակայն այստեղ կարելորդ ոչ թէ սա է, այլ՝ ձեռագրախմբերում ընդհանուր սխալ ընթերցման փաստը: Քիչ հաւանական է թւում, որ առանձին խմբերի պատկանող ձեռագրերում միմեանցից անկախ կարող էր տեղ գտնել միեւնոյն սխալը: Ուստի պէտք է ենթադրել, որ այս, ինչպէս նաեւ այլ (Մատթէոս Ուռհայեցի, էջ 88/Թիւ 1308, Թ. 19ա/Թիւ 4584, Թ. 367ա. Մատթէոս Ուռհայեցի, էջ 96/Թիւ 1308, Թ. 22ա/ Թիւ 4584, Թ. 368բ եւ այլն) «Ժամանակագրութեան» հետ չհամընկնող, սակայն «Տարեգրքի» ձեռագրախմբերի համար ընդհանուր ընթերցումները ծագում են «Տարեգրքի» սկզբնագրից՝ արտացոլելով հէնց նրա առանձնա-յատկութիւնները:

Հարկ է անդրադառնալ նաեւ այն հարցին, թէ ինչպէս է ստեղծուել «Տարեգրքի» ձեռագրերի հիմնական ճիւղը ներկայացնող Բ խմբագրութիւնը: Նշենք, որ երկի առաջին հատուածում Ա եւ Բ խմբերը քիչ են տարբերում միմեանցից. խմբագրական միջամտութիւնը առակել նկատելի է աշխատութեան երկրորդ մասում, որում յատկապէս 1216-1272 թթ.

պատմութիւնը ներկայացնող հատուածները ըստ խմբերի այնքան են տարբերում միմեանցից, որ երբեմն կարող են նախնիքնուրոյն բնագրեր թուալ:

Ներկայացնենք մէկ օրինակ. 1216 թ. Լեւոն Բ արքայի կողմից Անտիոքի գրաւումը Թիւ 1308 ձեռագիրը այսպէս է նկարագրում.

«... էառ թագաւորն Լեւոն զԱնտիոք արուեստիւ եւ իմաստութեամբ, քանզի զոր յառաջագոյն մեծաւ պատերազմաւ զկարաց ածել ի հաւանութիւն, յետոյ առատատուր պարգեւօք եւ խոստմամբ հաւանեցոյց զոմանս յիշխանացն, եւ նոքա բացին նմա զգրուես ի գիշերի, յոր եմուտ բազում զօրութեամբ, եւ էառ զգրուեսն ի զամենայն աշտարակս պարսպին շուրջնակի, եւ ելից զփողոցամէջս քաղաքին զօրօք բազմութեամբ, եւ բնակիչք քաղաքի ոչ գիտէին: Եւ յորժամ եղեւ առաւօտ՝ տեսին զքաղաքն լցեալ զօրօք եւ ապշեալ յիմարեցան եւ ոչինչ վնաս եղեւ ումէք, ոչինչս յափշտակեալ... Իսկ թագաւորն Լեւոն հասեալ յայսպիսի գործոյ կատարումն ցնծայր եւ յոյժ ուրախ էր ընդ աստուածոս յին յաջողումնն, քանզի որում յառաջագոյն ինքեանք ծառայէին արար զնա ներքոյ իշխանութեան իւրոյ...»⁶⁸ :

Նոյն հատուածը Բ խմբում ներկայացնուած է հետեւեալ կերպ.

«... էառ թագաւոր Լեւոն զԱնտաք մաստութեամբ, զի առատ պարգեւօք խոստմամբ հաւանեցոյց զոմանս յիշխանացն. եւ նոքա բացին զգրուեսն զիշերն, յորում եմուտ շատ զօրօք»⁶⁹:

Բ խմբի բնագրի կազմողը կրճատում է Լեւոն Բ արքայի կողմից Անտիոքի գրաւման մանրամասները՝ փոխանցելով միայն դրուագի հիմնական բովանդակութիւնը: Մէկ այլ դէպքում նա իսպառ յատկապէս Թիւ 1308 ձեռագրում մօտ երկու

68 Սմբատայ Սպարապետի Տարեգիրք, էջ 219:
69 ՄՄ, ձեռագիր թիւ 4584, թ. 371ա:

էջ զբաղեցնող Լեւոն Բ արքայի մահուան մասին պատմող ընդարձակ հատուածը: Նշենք, որ կազմողի (խմբագրի) կողմից նման վերաբերմունքի հանդիպում ենք նաեւ Կիլիկեան Հայաստանի գահի յաւակնորդ Ռուբէն-Ռայմունդի մասին հաղորդուող տեղեկութիւնների առումով: Մասնաւորապէս՝ նա լուում է Ռուբէն-Ռայմունդի՝ Լեւոն Բ արքայի կողմից Կիլիկեան Հայաստանի գահաժառանգ ճանաչուելու⁷⁰, Անտիոքի դքսութիւնում կարճատեւ գահակալելու⁷¹ եւ մի շարք այլ դրուագների մասին: Այստեղ օրինաչափ է այն հարցադրումը, թէ ինչպիսին է Ռուբէն-Ռայմունդի մասին պատմող հատուածների յարաբերակցութիւնը «Տարեգրքի» Ա եւ Բ ձեռագրախմբերում: Հաշուարկը ցոյց է տալիս, որ առաջինում Ռուբէն-Ռայմունդը յիշատակուած է վեց⁷², իսկ երկրորդում՝ ընդամէնը մէկ⁷³ անգամ: Այս յապաւումներն, անշուշտ, կարելի է վերագրել խմբագրի՝ տեքստը կրճատելու մտադրութեանը, սակայն յապաւուած դրուագների, ինչպէս նաեւ յաւելուած հատուածների համեմատութիւնը ցոյց է տալիս, որ դրանք ամենեւին էլ պատահական չեն: Ակնյայտ է, որ խմբագիրն աւելորդ է համարում յապաւուած հատուածները, սակայն ինչո՞վ է պայմանաւորուած նրա կասկածելի լուութիւնը այս հարցում: Հաւանական պատճառը պէտք է փնտրել խմբագրի դիրքորոշման մէջ: Այսպէս՝ նիւթի վերլուծութիւնը բաւականին պարզ պատկեր է բացում՝ Լեւոն Բ արքայի եւ Ռուբէն-Ռայմունդի վերաբերեալ մի շարք հատուածների կրճատումը կատարուած է ի հակակշիռ Կոստանդին պայլի մասին պատմող յաւելեալ տեղեկութիւնների:

Բերենք մէկ օրինակ. ներկայացնելով 1216 թ. Շողական ամրոցի մօտ Իկոնիայի

70 Սմբատայ Սպարապետի Տարեգիրք, էջ 216:
71 Նոյն տեղում, էջ 219:
72 Նոյն տեղում, էջ 207, 216, 217, 219, 220:
73 ՄՄ, ձեռագիր թիւ 4584, թ. 371բ:

սուլթանութեան եւ Հայկական զօրքերի միջեւ տեղի ունեցած ճակատամարտը՝ Թիւ 1308 ձեռագիրը յայտնում է. «Իսկ յորժամ էառ զԱնտիոք Քայքաուզ սուլտանն յիկոնիոյ՝ խռովեցաւ ընդ նմա, եւ եկն բազում զօրօք ի վերայ Կապնուն, նեղեաց զնա եւ ոչինչ կարաց առնել»⁷⁴:

Նոյն հատուածը Թիւ 4584 ձեռագրում ներկայացնուած է հետեւեալ կերպ.

«Եւ ի ժամանակս Լեւոնի ժողովեաց զոր սուլտան Կօնին. որ էր ի սալչուքեցն, որ անուն է Ազրտին Քայքայուզ: ... Նա սուլտանն երէկ, սղարեաց զԿապանն զբերդն. նա զպարոն Կոստանդին սպարապետն եւ զպարոն Ատանն պայլ թագաւորն Լեւոն եղ զօրագլուխ. որ առին զամէն Հայոց հեծեալն, եւ գնացին, իջան ի Շողական վերեւ ի լեռան: Եւ սուլտանն սկսաւ սերտ կռուիլ ի վերայ բերդին: ... Նա պարոն Կոստանդին գունդստապլն ընդդէմ գնաց, եւ եզարկ զիրեանք իւր զօրօքն ու խառնեցաւ. ու պարոն Ատանի զօրքն չօգնեաց իւրեանց, հայնց որ շատ որ Թուրք»⁷⁵:


Խմբագրի համար Կոստանդին պայլը, անկասկած, գործողութիւնների առաջին պլանում է, իսկ Լեւոն Բ Մեծագործը, որը «ի ծերութեան ... ցաւոտեալ էր ի նկրիսէն, եւ աւերեալ էր ձեռքն ու ոտքն»⁷⁶, մնում է ստուերում: Կոստանդին պայլը իրադարձութիւնների կենտրոնում է յայտնուում նաեւ Լեւոն Բ արքայի մահից յետոյ՝ գահաժառանգ Ջաբէլի ամուսնութեան հարցում: Ահա թէ ինչպէս է այս դրուագը ներկայացնում Բ ձեռագրախմբը կազմողը. «Բայց պարտ է դառնալ ի Կիլիկիոյ զրոյցն. եւ գրել. զի պարոն Կոստանդին պայլս. ժողովեաց զամէն եկեղեցականքն եւ զօրքն Հայոց եւ ասաց. թէ «պարոնայք դուք գիտէք թէ յինչ նեղութեան գտի

74 Սմբատայ Սպարապետի Տարեգիրք, էջ 221:
75 ՄՄ, ձեռագիր թիւ 4584, թ. 372ա-372բ:
76 Նոյն տեղում, թ. 372ա:

նում, մէկը՝ թիւ 469, Զմմառի վանքի գրադարանում, երկուսը՝ թիւ 521, Երուսաղէմի Սուրբ Յակոբեանց վանքի գրադարանում, մէկը՝ թիւ 5458, Լոնդոնում՝ Բրիտանական թանգարանում եւ եւս մէկը՝ թիւ 229, Ֆրանսիայի ազգային գրադարանում: Ըստ դարերի՝ «Տարեգրքի» ընդօրինակութիւնների դասդասումը հետեւեալն է. ԺԳ.-ԺԴ.

դդ.՝ 1, ԺԴ.-ԺԵ. դդ.՝ 1, ԺԶ. դ.՝ 2, ԺԺ. դ.՝ 10 օրինակ: Տարբեր ընդօրինակութիւններում բուն «Տարեգրքի» կամ շարունակութեան աւարտի թուականները հետեւեալ պատկերն ունեն. 1272 թ. աւարտուող օրինակների թիւը՝ 1, 1327 թ.՝ 1 (պատանիկ)՝ 1331 թ.՝ 12:

Սմբատ Սպարապետի «Տարեգրքի» ձեռագրերի ճիւղագրութիւնը



ԳՐԻԳՈՐ ՄԱԳԻՍՏՐՈՍԸ ԵՒ ԿԱԹՈՂԻԿՈՍԱԿԱՆ ԱԹՈՌԻ ԱՆՅՈՒՄԸ ՊԱՀԼԱՒՈՒՆԻՆԵՐԻՆ

Կարէն Սաթեղոսեան

Անիի Բագրատունեաց թագաւորութեան պատմութիւնը հանգամանօրէն ուսումնասիրուել է հիմնականում քաղաքական իրադարձութիւնների տեսանկիւնից, իսկ ԺԱ. դարի 20-40-ական թուականների դէպքերը՝ յատկապէս պետութեան արտաքին յարաբերութիւնների համատեքստում, քանի որ այդ ճգնաժամային շրջանն ի վերջոյ աւարտուեց թագաւորութեան անկմամբ՝ Անիի բիւզանդական զաւթումով: Շատ հետաքրքրական էր նաեւ այդ ժամանակաշրջանում Անիի՝ հասարակական յուզումներով ու հակասութիւններով լի ներքաղաքական կեանքը: Յիշեալ իրադարձութիւնների ժամանակ առաջնային դեր բաժին ընկաւ Հայոց եկեղեցուն եւ նրա առաջնորդ Պետրոս Ա (յետագայում՝ Գետադարձ մականուանում) կաթողիկոսին (1019-1054 թթ.):

Յայտնի է, որ կաթողիկոսական աթոռի վրայ Պետրոսին յաջորդեց քրոջ որդին՝ հէնց նրա ձեռքով օծուած Խաչիկ Ա Անեցին (1054-1065 թթ.): Դրանից յետոյ բիւզանդացիները փորձեցին արգելել նոր կաթողիկոսի ընտրութիւնը, սակայն հայ ազնուականութեան ջանքերով այն տեղի ունեցաւ, եւ կաթողիկոս դարձաւ Պահլաւունեաց տոհմից Գրիգոր Մագիստրոսի որդի Վահրամը՝ ձեռնադրութեան ժամանակ ստանալով Գրիգոր անունը, իսկ աւելի ուշ՝ Վկայասէր մականունը (1066-1105 թթ.): Նրա աթոռակալութեամբ Հայոց կաթողիկոսների յաջորդականութեան մէջ տեղի ունեցաւ մի էական փոփոխութիւն. կաթողիկոսական աթոռը համարուեց տոհմական, եւ Պահլաւունիները, ովքեր ներկայանում էին իբրեւ Հայոց առաջին հայրա-

պետ Սուրբ Գրիգոր Լուսաւորչի տոհմակիցներ, սկսեցին ժառանգականութեան սկզբունքով բազմել կաթողիկոսական գահին: Այդ երեւոյթը շարունակուեց շուրջ մէկուկէս դար:

Ներկայ ուսումնասիրութիւնը նուիրուած է այն խնդրին, թէ ինչպէս դեռեւս ԺԱ. դարի 20-40-ական թուականներին Անիի թագաւորութեան մէջ կարեւոր դերքի հասած Պահլաւունեաց իշխանական տոհմի ներկայացուցիչները նպատակադրուած շարժում սկսեցին կաթողիկոսական աթոռին տիրելու համար: Կարելի է ասել, որ այն մի ուշադրաւ հեռագնայ ծրագիր էր՝ իր որոշակի դրդապատճառներով ու հիմնաւորումներով: Ուղղակի եւ անուղղակի փաստերը ցոյց են տալիս, որ այդ գործընթացի նախահիմքերը դրեցին Անիի թագաւորութեան ազդեցիկ գործիչներ սպարապետ Վահրամ Պահլաւունին եւ նրա եղբայր Աբլղարիբ մարզպանը, իսկ բուն ծրագրի հեղինակը վերջիններիս եղբորորդի Գրիգոր Մագիստրոս Պահլաւունին էր:

ԿԱԹՈՂԻԿՈՍԱԿԱՆ ԱԹՈՌԻ ԹՈՒԼԱՑՈՒՄԸ ՊԵՏՐՈՍ Ա-Ի ԺԱՄԱՆԱԿ

Քննուող ժամանակաշրջանում թէ՛ Հայոց պետութեան եւ թէ՛ եկեղեցու կեանքում տեղի էին ունենում աննախադէպ իրադարձութիւններ: Նախ՝ Գագիկ Ա-ի (989-1017 թթ.)¹ մահից յետոյ նրա որդի-

¹ Գագիկ Ա Բագրատունու մահուան թուականը հայագիտութեան մէջ ընդունուած է 1020-ը: Կ. Իւզբաշեանը որոշ սկզբնաղբիւրների վկայակոչմամբ այն համարում է 1017-ը (К. Юзбашян, Армянские государства эпохи Багратидов и Византия IX-XI вв., Москва, 1988, с. 156-157):